

INUIT ATAQATIGIIT

Inatsisartuni



07-06-2018

Inatsisartut suleriaasianni § 37 naapertorlugu Naalakkersuisunut apeqqutit ingerlatippakka

1. Islandimiut Nuummut timmisartuussisalernerisa kingorna Nuummut takornarissat qanoq amerleriartigisimappat?
2. Ullumikkut mittarfiit pioreersut tassalu, Kangerlussuaq Narsarsuarlu sooq Danmarkip avataaniit timmisartuussinikkut annertusaaffigineqarsimangillat?
3. Kangerlussuarmi imarpik qulaallugu mittarfiup timmisartuussiviunera tunngavigalugu inuussutissarsiutit qassit pilersillugillu ineriartortinneqarsimappat?
4. Narsarsuarmi imarpik qulaallugu timmisartuussiviunera tunngavigalugu inuussutissarsiutit qassit pilersillugillu ineriartortinneqarsimappat?
5. Kangerlussuup mittarfissuurtut atuunera pissutigalugu inuit qassit Mittarfeqarfiit aamma Air Greenlandimi atorfeqarpat?
6. Narsarsuup mittarfissuurtut atuunera pissutigalugu inuit qassit Mittarfeqarfiit aamma Air Greenlandimi atorfeqarpat?
7. Kangerlussuaq Narsarsuarlu pisortaniit ingerlanneqarunnaarlutik namminersortunngorsassappata mittarfiit namminersortut EU-miit akuerineqarnissaat qulakkeerneqarsimappat?
8. Trafik Styrelsep mittarfeqarfinnut piumasaqaatai aammalu EU-p piumasaqaatai, kiisalu sillimaniarnikkut piumasaqaatit ullumikkut Kangerlussuarmi Narsarsuarmilu ingerlatsinermut qanoq aningaasartuuteqarfiuppat?
9. Narsarsuarmi aamma Kangerlussuarmi mittarfeqarfissuit aalajangersakkat malillugit piumasaqaatillu tunngavigalugit namminersortunngortiinnarneqarsinnaappat?
10. Naalakkersuisut uppersarsinnaavaat kikkulluunniit mittarfinnik imarpik qulaallugu timmisartuussiviusunik namminersortutut ingerlatsiinnarsinnaasut?
11. Mittarfiit pineqartut namminersortunngortinneqassappata kikkut akuersissummik tunniussisussaappat?
12. Mittarfiit pillugit EU-p aalajangersagaat tunngavigalugit mittarfiit soorlu Kangerlussuaq Narsarsuarlu mittarfiisa namminersortutut akuerineqassagunik suut piumasaqaatit naammassisimassavaat?
13. Naalakkersuisut oqaatigaat Narsarsuaq aamma Kangerlussuaq mittarfeqarfittut matuneqassanngitsut. Naalakkersuisut naalakkersuisut sunik iliuuseqarpat apeqqummut akissutaasinnaasunik?
14. Kangerlussuarmi Narsarsuarmilu meeqqerivinni meeqqat aamma meeqqat atuariiini atuurtut meeqqat sumut nuussappat? Pilersaaruteqarpa?
15. Kangerlussuarmi aamma Narsarsuarmi suliffiit amerlassusaat ataatsimut katillugit Nuummi Qaqortumilu sulisartut qassit atorfissaarutsinneqassappat?
16. Kangerlussuarmi Narsarsuarmilu inuit nussornissaanut Naalakkersuisut qanoq amerlatigisunik qanorlu piumasaqaatitalinnik aningaasaliissuteqarniarpat?

INUIT ATAQATIGIIT

Inatsisartuni



17. Kangerlussuaq aamma Narsarsuaq ullumikkutut pisortaniit timmisartuussiviujunnaarpata silaannakkut angallannermi kiffartuussinissamik isumaqatigiissusiortarnermut qanoq sunniuteqassappat?
18. Mittarfiit nutaat pilersinneqassappata akilersinnaassuseqaqqullugit sinerissamiittut mittarfiit soorlu Sisimiuni, Maniitsumi, Paamiuni, Aasianni, Upernavimmi mittarfiit qanoq annikillisaavigineqassappat? (Sulisut qassit? Aningaasat qassit?)
19. Aalajangernissamut tunngasumik sammisassat pingaarutillit amerlaqaat. Apeqqutigisama saniatigut Kangerlussuarmi Narsarsuarmilu mittarfiit pisortanik ingerlanneqartut matuneqarnissaat pillugu Naalakkersuisut allanik paasissutissiisutissaqarpata?

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Naalakkersuisut oqaatigaat mittarfissat nutaat qangali pilersaarusioneqareermata aalajangiisoqaannariaasoq.

Taamaammat kissaatigaara apeqqutigisakka akissutissaqartinneqareersimasussat ullut qulit qaangiutsinnagit akineqassasut.

Naalakkersuinikkut suliat tunngavilersukkamik ingerlanissaat tamatta kissaatigaarput. Aalajangiisoqarnissaanillu Naalakkersuisut piareersimanerminnik oqaaseqarnata akissutissasi Inatsisiliortuniit pisariaqartinneqartutut isigisakka piaartumik akineqassasut naatsorsuutigaara.

Inuppassuit inuussutissarsiutaat aningaasarsionnerallu ilaqutariippassuit atugaannut aalajangiisorujussuit pineqartut naalakkersuisuniit pitsaasumik tunngavilersorneqarsimanissaat pisariaqarpoq. Naalakkersuisut imminnut pisussaaffigisassanngortitaasut malillugit sulianik ingerlatsisussaammata.